



Broj: 2-3/2016
Datum: 20.04.2016.

Na osnovu člana 59. stav 1. tačka d) Zakona o visokom obrazovanju Tuzlanskog kantona („Službene novine Tuzlanskog kantona“, broj 8/08, 11/09, 12/09, 3/12, 16/13, 7/14 i 8/14), člana 119. stav 1. tačka d) Statuta Evropskog univerziteta „Kallos“ Tuzla, a u vezi sa članom 5. Uputstva o formi i sadržaju diplome i dodatka diplomu („Službeni glasnik BiH“, broj 86/09) i čl. 5. i 7. stav 2. Pravilnika o sadržaju javnih isprava koje izdaju visokoškolske ustanove u Tuzlanskom kantonu („Službene novine TK“, broj 14/10 i 12/11), Senat Univerziteta na sjednici održanoj 20.04.2016. godine donosi

P R A V I L N I K

O FORMI, GRAFIČKIM STANDARDIMA ZA IZRADU I SADRŽAJU DIPLOME I DODATKA DIPLOME KOJE IZDAJE EVROPSKI UNIVERZITET „KALLOS“ TUZLA

I - OPŠTE ODREDBE

Član 1.

Ovim pravilnikom propisuju se forma diplome, grafički standardi za izradu diplome, sadržaj diploma, kao i forma i sadržaj dodatka diplome, koje izdaje Evropski univerzitet „Kallos“ Tuzla.

II FORMA DIPLOME

Član 2.

(Diploma o završenom prvom ciklusu studija)

Diploma o završenom prvom ciklusu studija se štampa na obrascu dimenzija 25 cm x 35 cm.

Član 3.

(Diploma o završenom drugom ciklusu studija)

Diploma o završenom stepenu drugog ciklusa studija se štampa na obrascu dimenzija 25 cm x 35 cm.

Član 4.

(Diploma o završenom trećem ciklusu studija)

Diploma o završenom stepenu trećeg ciklusa studija se štampa na obrascu dimenzija 42 cm x 31 cm.

III GRAFIČKI STANDARDI ZA IZRADU DIPLOME

Član 5.

Na prednjoj strani diplome za sve cikluse studija ispod naziva „Bosna i Hercegovina, Federacija Bosne i Hercegovine, Tuzlanski kanton“ štampa se znak Univerziteta.

Član 6.

Diploma se štampa na dvijestotinepedeset gramskom (250 g/m²) mat kunstdruck papiru.

Član 7.

Tekst u diplomi ispisuje se vrstom slova *Palatino Linotype*.

Nazivi države, entiteta, kantona, Univerziteta i fakulteta štampaju se bojom #906238.

Riječ „DIPLOMA“ štampa se bojom #826447.

Ime, ime jednog roditelja i prezime nosioca diplome štampa se bojom #231f20.

Akadska titula štampa se bojom #bb935a.

Ostali odgovarajući tekst štampa se crnom bojom.

Član 8.

Diploma o završenom prvom ili drugom ciklusu se dodjeljuje u futroli u obliku cilindra tvrdih korica u bordo crvenoj boji.

Na prednjoj strani futrole štampa se znak Univerziteta u bijeloj boji.

Diploma o završenom trećem ciklusu dodjeljuje se u koricama crne boje na čijoj prednjoj strani su ispisani naziv i znak Univerziteta.

IV SADRŽAJ DIPLOME

Član 9.

Diploma o stečenoj akademskoj tituli sadrži sljedeće podatke:

1. naziv države, entiteta i kantona;
2. naziv i sjedište Univerziteta;
3. naziv fakulteta;
4. naziv: DIPLOMA;
5. ime, ime jednog roditelja i prezime nosioca diplome;

6. datum i mjesto rođenja nosica diplome;
7. datum završetka studija;
8. naziv završenog studijskog programa;
9. dužinu trajanja studijskog programa izraženu u godinama i postignuti ukupan broj ECTS bodova;
10. stečeno akademsko zvanje, koje mora biti usklađeno s Pravilnikom o korištenju akademskih titula i sticanju naučnih i stručnih zvanja na visokoškolskim ustanovama u Tuzlanskom kantonu;
11. broj evidencije, mjesto i datum izdavanja diplome;
12. potpis rektora i dekana, i
13. suhi žig.

Diploma o završenom II ciklusu, pored podataka iz stava 1 ovog člana, sadrži još i naziv teme magistarske teze.

Diploma o završenom III ciklusu, pored podataka iz stava 1 ovog člana, sadrži još i naziv teme doktorske disertacije i titule, imena, prezimena i naučnonastavna zvanja članova Komisije za ocjenu i javnu odbranu doktorske disertacije.

V FORMA I SADRŽAJ DODATKA DIPLOME

Član 10.

(Forma dodatka diplome)

Univerzitet obavezno, uz diplomu, istovremeno i bez naknade, izdaje dodatak diplome koji se ovjerava pečatom Univerziteta.

Dodatak diplome izdaje se uz diplome svih ciklusa, u cilju unapređenja međunarodne transparentnosti i olakšanja akademskog i profesionalnog priznanja kvalifikacija.

Dodatak diplome se štampa dvojezično, na odvojenim obrascima i to na jednom od jezika koji su u službenoj upotrebi u BiH i na engleskom jeziku.

Dodatak diplome se izdaje na papiru u uvezanim listovima formata A4 (210 x 297 mm).

Član 11.

(Sadržaj dodatka diplome)

Dodatak diplome sadrži sljedeće podatke:

1. INFORMACIJE KOJIMA SE IDENTIFIKUJE NOSILAC KVALIFIKACIJE

1.1. Prezime;

1.2. Ime;

1.3. Datum, mjesto i zemlja rođenja;

1.4. Broj indeksa i jedinstveni matični broj studenta;

2. INFORMACIJE KOJIMA SE IDENTIFIKUJE KVALIFIKACIJA

2.1. Naziv kvalifikacije;

2.2. Glavno područje/područja studija za kvalifikaciju;

2.3. Naziv ustanove koja dodjeljuje kvalifikaciju;

2.4. Naziv ustanove koja vodi studij;

2.5. Jezik/jezici nastave/ispita;

3. INFORMACIJE O NIVOU KVALIFIKACIJE

3.1. Nivo kvalifikacije;

- 3.2. Dužina i opterećenje programa;
- 3.3. Zahtjev/i za pristup;
- 4. INFORMACIJE O SADRŽAJU PROGRAMA I POSTIGNUTIM REZULTATIMA
 - 4.1. Način studiranja;
 - 4.2. Zahtjevi programa;
 - 4.3. Detalji o programu;
 - 4.4. Način ocjenjivanja i pokazatelji za raspodjelu ocjena;
 - 4.5. Opšta klasifikacija;
- 5. INFORMACIJE O FUNKCIJI KVALIFIKACIJE
 - 5.1. Pristup nastavku studija;
 - 5.2. Profesionalni status;
- 6. DODATNE INFORMACIJE
 - 6.1. Dodatne informacije;
 - 6.2. Izvori dodatnih informacija;
- 7. OVJERA DODATKA
 - 7.1. Broj i datum;
 - 7.2. Potpis;
 - 7.3. Funkcija;
 - 7.4. Zvanični pečat;
- 8. INFORMACIJE O VISOKOŠKOLSKOM SISTEMU
 - 8.1. Pristup visokom obrazovanju;
 - 8.2. Stepeni i kvalifikacije;
 - 8.3. Bodovni sistem i ocjenjivanje.

Član 12.

Dodatak diplome štampa se na dokumentnom krem-žutom stotinugramskom (100 g/m²) papiru.

Na prednjoj strani dodatka diplome štampa se znak Univerziteta.

Član 13.

Dodatak diplome štampa se crnom bojom, vrstom slova *Book Antiqua*.

VI ZAVRŠNA ODREDBA

Član 14.

Ovaj pravilnik stupa na snagu danom donošenja i objaviće se na web – stranici Univerziteta.

PREDSJEDNIK SENATA
V.D. REKTOR

Prof. dr. Nedeljko Stanković